

بلاط الدراهم

أول ليالي الغربه فى بلاد الدراهم
شارع سريع أنواره بترحب وجودي
أبراجه واقفه ع الطريق صفين
احساسى طفل ف عمر ست سنين
فرحان بشنطه مدرسة و كشكول
عيط فى أول حصه لما اشتاق
خايف يغمض عينه ياكله الغول
و الغول سنانه سنين
اول ليالي الغربه فى بلاد الحنين
اول ليلاي الغربه فى بلاد الفيراري
وانا خلقي بيضيق ع الكباري

و عندي فوبيا من الزحام
ف ازاي هنام
و الاوضه فيها خمسه من دوني
الغربه كانت ضمن احلامي
لكن لاقيت احلامي زقوني
على شقه واسعه بس مزحومه
تشبهه زحام الدبح فى العيد الكبير
كان نايبى فى الشقه دولاب و سرير
و نكتتين بايخين بيرحبوا بيا
شدت ساعتها غطايا على راسي
و حلمت اقوم الصبح الاقيني ما سفرتش